

涇野先生文集

涇野先生文集卷之二

序二

陝西奏議序

陝西奏議者、雙溪張子所著也。嘉靖己庚間、雙溪巡按陝西、遇大政事、必奏議。

政務其
急序識
其大均
之乎經
世之文

聖主俞允批處、而後行。陝西之八郡三邊、以及四鎮之急務、罔不釐舉。雙溪子既滿且去矣、有良司牧者、錄次成帙、爰加諸木、將以範後之有事西土者也。然其內雖有獄訟錢穀數條、獨於條畫邊防之事、爲詳。

于昔司
馬子在
平章進
二劉五
規使司
馬子按
刪中則
議此
為創
規亦

蓋以當其地也。又於區處宗室之事為詳。蓋以當其
遇也。涇野子讀而嘆之曰。雙溪子可謂識時務者乎。
夫政因時而變。議以時而立。違時而議。不知務者也。
故賈生建治安于漢文。而七國卒平。董公論春秋于
武帝。而六經遂章。韓退之闢佛氏。而正教著。司馬君
實折新說。而王道明。亦猶禹之抑洪水于有虞。孟氏
息邪說于戰國。凡以當其時而務之也。假使賈生以
息邪說為急。君實以抑洪水為先。雖言之辯如此。其
富也。文之麗。如彼。其工也。於政無益於世無補。迂亦

甚矣。君子以爲不知務也。雙溪子之奏議若巡按他省則非所先。巡按陝西則爲切要。故曰陝西奏議以範後之有事西土者可也。雙溪字德徵名光祖。潁川人。嘉靖壬辰進士。

陝西鄉試錄序

正德十四年當天下鄉試之期。某及某官某人謬應陝西考試。官試事既成且錄矣。某當敘諸首曰。二三子慎之哉。初某之語吾諸有司也。曰某官某人考易深貴顯遠貴近虛貴實異貴經小貴大某官某人考

書雜而不理非精也同而不殊非一也某官某人考詩成心忘者其辭冲隘心去者其辭遂妬心橫者其辭險某官某人考春秋正傳以發經為上士假傳以求經者為中士泥傳而廢經者為下士下士勿取某官某人考禮記迂者陳古而鑿宜蕩者徇時而忘舊迂則不行蕩則非止四書者率此者也論者以此議者也策者以此測者也詔誥表判者以此準者也聖祖表經以治世賢相明經以取士國家百五十年來一也今我有司既則此以式爾二三子矣二三

辨博家
岩刺人
肌骨昔
槐野序
人跡絕
唱恐此亦
我明希
音也

子甚無愧我執事夫陝西山川之初而天地之首也
故羣聖多自此產六經咸自此出然昔之作者既如
此其極也後死者則固此地之人耳乃或讀其書不
能昭其道當其用不能酬其學此其故何耶究在隨
俗而崇言追流而忘義耳今夫石天下之至鈍者也
易用之以為介詩用之以為錯今夫財天下之至利
者也書貴于大賚禮貴于能散夫士也明經而行之
以輔世詳此二者而已故解結問觿整經問頭昔嘗
過河許見舉大木以為室者環百人之手莫能移尺

寸一人曰置衮木於下六人牽之十三人隨而推之
飄然行矣用其策遂成干霄之室故大治莫如審幾
審幾莫如索士索士莫如正經孟子曰經正則庶民
興斯無邪慝矣夫今之卿相百寮皆爾二三子之為
也今爾二三子即今之卿相百寮也民貧而財屈寵
甚而倖張虜驕而寇興災無而異出有司所棘于二三
子者豈帝如濟饑渴而拯焚溺者哉二三子如捐行
而惟言之華棄義而惟利之圖舉易而無王昭素之
論舉書而無林機之議舉詩而或為匡衡之敗舉春

秋而或如公孫弘之偽則天下之憂何時而已也。羲
文之開易于斯、文武成康周召之為詩書禮樂于斯
者、固如是乎、二三子拭目而覽成紀豐鎬之墟、則所
以忠

聖皇而對昭代者、自不能已矣。況今日之事、巡按御
史某人、監臨乎爾、某官某人、提調乎爾、提學副使某
人、遴選乎爾、巡撫某人、鎮守某人、又皆總鎮乎爾、某
官某人、某官某人、又皆贊成乎爾、有使事于斯者、某
官某人、及總兵某人、又皆瞻望乎爾、二三子慎之哉。

山西鄉試錄後序

正德己卯山西鄉試既成某以職事例當有言于末
簡以告二三子竊惟自周而後稱長治久安者惟漢
為然夫其取士也雖有諸科究在明當時之務耳故
其時賢有曰識時務者在俊傑夫二三子固今日之
俊傑也有司者已即其言占其行而取之矣不知他
日能酬斯志否耶夫所謂時務者非媚俗以同塵也
非附勢以竊榮也非避危以苟安也非取便以合時
也非罔人以謀利也夫時有不同務亦各異故

有道之
言人人
可誦而
風稜矯
矯微獨
辭命之
佳哉
禁歲既也

在洪水。孟軻務在楊墨。兩漢之間其務多矣。然亦有能隨其主而識之者。如董公出兵之說。賈誼諸侯之策。汲黯多欲之諫。往往是也。若使董公以楊墨為急。賈生以洪水為先。迂亦甚矣。夫蹊人之田者。必由邪徑。伐人之園者。必由境垣。此大道所以榛蕪而正道所以閉塞也。然則今日之務。敢謂有不知者哉。咎在于借時。務以自文。遂自悔之而不能追也。夫老佛可以分率。宦寺可以理通。行伍可以功定。惟文時務之人言之無從證也。索之無從班也。然而流毒遠。蓄害

深速禍重彼老佛官寺行伍之或為疾者反不若此
之甚也將孔子所謂鄉原者豈其徒乎二三子固將
進有職列于時其知所以務此者乎務明乎此上可
報九重而下可福四海豈惟並駕賈誼諸賢雖禹
孟軻又何遜焉此執事者錄二三子之志也

江陰劉氏家乘序

江陰劉氏家乘凡二十卷光祿卿毅齋劉公克柔所
裒輯九峯山人鄒辰輔所校編者也為誥勅文者
計十有四為碑誌傳狀題贊者以百計詞賦詩引序

海內家
乘多難
馮此獨
無庖語
貌言是
足以振
鐸四方
矣存之

歌者以千計蓋公自釋褐以來即謀顯其先人寢食
行坐亦未嘗忘故積言富多率皆名筆他日辰輔難
於彙分欲以十千為別列 誥勅於乙集公曰軋敢
後其

君乎辰輔又欲以文序分生榮死哀為丙集丁集公
曰軋敢先其祖乎於是辰輔詣予曰壁往日雖聞毅
齋名未聞毅齋道近因講譜乃知其毅於忠與敬也
呂子曰卜子嘗云大表及學士始知尊祖求其人而
不得乃今見毅齋公乎夫人之生也與化同運然千

嗟嗟世間生一人
不易也
彼以匪此
之私妬嫉
良人之后
者忍心裁
蘊子曰以
法繩人未
有不中其
身及其子
孫者

姓之內聞無四五數世之中達不二三間有名士焉
出因以闡幽發微昭潛揭隱則於其先也雖販繒織
蒲之末屠狗醫牛之細亦與圭爵章甫者並耀史冊
蓋天地不以貧賤富貴專人而積行累德之家固終
用明昭也夫劉氏自諱茂叔以來且九世其族屬單
遠且百指雖代有哲人殊無顯者逮於毅齋煥知其
祖茂叔開端於無錫信之啟家於江陰耕樂表墓於
黃山鶴軒立傳於張簡而友桂翁重銘疊贊不可殫
述雖遠在公署彥美之裔亦波及袒免緦麻之戚夫

穀齋者豈惟止於始知尊祖者哉故自耕樂而施雖
遠得纓繹之先皆由是明也可與廣順矣自友桂而
施儒俸泰秦以至劉源珍瓏皆由是恭也可與廣孝
矣由身而施堯禹以至芹薺皆由是睦也可與廣弟
矣由子輔學而施登政麒麟以至選嵩皆由是昌也
可與廣慈矣夫孝弟慈順忠敬者道之六物也而穀
齋務之以其五物以處家以其一忠以居國斯不
可謂之善行乎宜乎世之善言者皆歸之穀齋也然
家乘成而乞休之報適至費庶子曰穀齋善事友桂

翁及母薛淑人甘髓之味精毳之服一菓一蔬必先
之而後用其餘若訓淑義方即籍記不忘在戶部以
清慎直方忤權姦五下獄而不渝其志嗟乎五物以
孝為本以敬為地而一忠則以直為難也乃毅菴咸
明厥躬而又徵諸人言劉氏子孫之於斯譜也其善
守此五物以來忠於國乎哉

醢鷄集序

竊聞之聲者心之著也詩者聲之華也義者詩之質
也故義以發志則綱紀立鬼神通華以文言則雷風

此處個
黑夷猶
何驚鴻
及此之勢
印諸子
世生應
外首出

章寒暑時山川真草默若著以表存則隱微顯矣是
故賦棠棣者憫閔牆詠渭陽者輕瓊瑰感伐木者樂
黃鳥祈天保者比岡陵歌魚麗者薄魴鯉頌清廟者
重顯承於是考信其質貞也於是觀榮其文順也於
是諗情其究慙也蘇與韋也得其質於漢蓋十七於
其華也李與杜也掠其華於唐蓋十一於其質也夫
詩亦難言也已夢藩先生有詩數百篇自題曰醯鷄
集當其格律柙未能講當其志義其庶幾乎是故君
子定其足而後能動構其室而後能散黼黻聖焉故

寶山之遊。况吉甫也。耀州之賑。志富弼也。泥陽之過。懷鳳鳥也。凌緩之謝。獲麒麟也。槐庄之夢。心中孝也。其他攄幽而紓素。懷古而感今。皆影影乎出塵埃矣。先生早領鄉薦。兩為郡博。比厯陳耀東。訓吳江南。考桂廣山海之奇。風俗之變。罔弗寓之於詩。故其大義皆可得而想也。今夫史司馬談之所肇也。其子遷則終其志。今夫經世之書。邵堯夫之所興也。其子伯溫則成其心。夫醯鷄集之傳。鳳巢子不可後之矣。

觀風餘興序

下人之名節以補世教有餘也。而況于一已乎。王武庫子中曰。公舉進士。改翰林庶吉士。授戶部主事。尋調刑部。以直道忤權貴。出判岳州。執法不撓。夷酋至謀火公屋廬。見絳衣神人而罷。其後陞知隨州。歷按察京兆。巡撫。以及今日所至。皆著勲績。而流歌頌。若乃盡叅贊之責。極簡恤之方。不動聲色。坐奠南服。尤其偉然者也。然則公于名節可謂終始不渝矣。夫士之仕于世也。矜于先而敗于後。猶枯楊生梯。未敢必其成也。失于早而補于晚。猶枯楊生華。則亦可醜也。

昔匡衡其貧窮經其始非不烈也而卒以賊敗可謂
鮮終矣魏相正色秉道其終非不令也而進以許史
可謂無初矣然則節名之完固獨後世之難哉則公
豈今之人乎諸詩歌者宜發揚而鋪陳之以繫此風
俗綱紀也

玉溪詩集敘

寥寥數
言發盡
騷人意
致而其
風神躍

竊謂詩有三便皆志之蔽也便奇者失雅便俚者失
風便于言貌諂佞者失頌三便興而詩亡故君子以
發性情止禮義為正詩至唐室人稱其盛矣然李杜

知有時
樂天能
必還正
體

未免於奇。元白未免于俚。其他諸君子又或工言貌
閑諂佞而廢其實也。然則風不可見乎。曰采芝結髮
可以觀風矣。雅不可見乎。曰鴻鵠深耕可以觀雅矣。
頌不可見乎。曰賴有房中之樂乎。然而其德亦下矣。
彼渥洼之馬。齋房之芝。又何為哉。予在解時嘗求見
王溪全詩而未獲。今偶觀一帙。睇其旨殆有志於詩
乎。王溪子道德氣節偉焉。一時方守南康。選進俊傑
力復朱子之學。安知其不先能興詩也。

鹿門鄭公挽詩序

所以挽
即君者傷
天士固
志失志
而抗表死
生也得
心而甘心
猶死也
人所遭
險夷皆
死而後
生也
大言也

鹿門鄭公伯興丞大理甫閱月疽發背不起吊客盈
門歎歎悼嗟南都諸公卿皆為誄詩以挽之其僚大
廷尉中梁張公請予說其詳夫鹿門嘗為文選數月
即能揚賢抑愚為

明時光使由大理積忝崇要必將滋務得人壯固元
氣補於國家不淺乃年方六十二而卒則諸公卿惜
之者豈為鹿門一人哉或曰人有隱憂潛慮口雖不
言氣血陰鬱亦能疽鹿門望重資深乃位出晚進之
後又其族屬單寡年已耆艾子未成立亦能疽曰斯

二者皆為身謀家計。不知吾鹿門者也。鹿門在文選時有友勸其苟改度。即在乘輿列。鹿門拒之曰。吾寧舍車而徒可也。未幾有邛州之行。今以二者病吾鹿門誤矣。且謂范增何人也。進不知擇主。任不知行道。在君子所不取。然猶憾其策之未行也。以疽死。况吾鹿門學與材偕見。善必好見。惡必惡。忠盡自許。圖報明時者也。尔乃見民餓殍。不能救觀。時灾異不能弭。憤懣填胸。激憂成疽。固其然乎。夫自古忠臣烈士。隱居求志。將行義以達道也。乃或志不克償。當言而隨。

人囁嚅值行而同人趙趙或掣其牛。或濡其尾。苟有
丈夫之心者。其何以為懷乎。故如祖逖輩。往往以疽
死。不獨彼范增也。或曰。聖人與世推移。隨物變化。志
所未竟。輒以疽死。則其量亦褊而道亦細乎。曰。聖人
立命。其次植義。其下沉俗。命既未能立。有義而已。義
又弗植。而惟俗之沉。乃以為大量而道高。則後世聖
人亦多矣。嗚呼。若吾鹿門者。雖謂之未死可也。

風木圖詩序

昔河內王明叔以甲戌進士出尹盤屋。予同對山康

子有太白終南之遊遇明叔焉溫恭愷悌其言論或
追述厥考即墨先生焉予嘗私重明叔以為篤不忘
也比予改官南都而明叔已僉憲山東既十年矣一
日寓書余曰賜之于先人也年雖近強艾而懷思猶
如齟齬之日官雖屢遷轉而追慕猶如廷訓之初遂
作風木圖以志感知賜者皆有詩賦涇野子何以為
言先人早歲穎特長從關中邢司徒先生學端嚴誠
恪深獲器重尋領順天鄉舉授尹江西太和太和俗
頗競訟而先君持廉秉公方及三年百姓向化後補

因風考
以借題
發一篇
大文字
永活者
可以觀
矣

即墨敦崇德教。蚤月麥天。不閉四門。閭閻安堵。及先
伯客死。無子孤女俱幼。棄官以歸。同先母潘孺人撫
養諸孤。選賢以嫁。李御史經邢御史昭皆其壻也。其
教賜學課讀甚嚴。每達夜分。至有今日多涇野子。舊
所聞也。風木之悲。豈容已乎。曰。明叔職司憲臺。母但
觀風于木。其觀風于民乎。觀風于木。一墓上之物耳。
觀風于民。巨省雄藩。皆可得而理也。故觀民之風。敬
也可以知已之莊。觀民之風。讓也可以知已之謙。觀
民之風。貴德也可以知已之仁。觀民之風。賤貨也可。

以知己之義觀民之風。顓慤不譎也。可以知己之信。
自汶濟以東。龜蒙以西。皆是風也。則先夫子即墨一
邑之風。廣為東人一省之風。不可乎。若明叔由此而
不已其道。他日登廷尉卿相。雖風動四方。亦有餘也。

涇野先生文集卷之二

涇野先生文集卷之三

序三

燕饗樂譜序

我朝樂
典獨缺
言者欲
設樂律
一科亦
乏人為

涇野子曰：轂律之道，柝父欲求之而未能也。比得李
白夫燕饗樂譜，於予心少開焉。於戲，白夫之學亦靜
密哉！昔者京房之作準也，嚴宣廷訓有素，不能為之
侯部。張光家藏形器，不能為之定絃。夫一準且如此
難也，而白夫乃能稽其全，貢其妙，繹其舊，附其新。七
轂之次，十二詩之用，燦乎如指諸掌。如有作者，必采

白夫辨
博及此
志宏遠
哉而非
涇野此
序恐古
樂之雅
淡不與
於好竿
之門也

斯譜矣。於戲白夫之學亦靜密哉。夫道在天下。方圓
相生。形影一貫。故悅理可以觀氣。觀象可以洞聲。洞
聲可以諳音。諳音之至。數音具矣。故盡巧思如柴玉
終愧杜夔之精妙。諧牛鐸如荀勗。卒慚阮咸之神解。
此吹律聽鍾。周武知捷乎牧野。而鑄鍾聞鐸。冷州鳩
以憂景王之心疾也。蓋律呂之道。與䟽天地。幽速鬼
神。廣簪萬彙。妙興聖賢。乃若寧謐之升沉。緹慢之疾
徐。氣候之乖合。雌雄之修短。徑圍之損益。毫釐之差。
天人睽遠。故律少短則黃鍾吹而林鍾聽也。律少長

則南呂吹而太簇聽也。厚則已壅，薄則已揚。廣則已濁，狹則已清。題小則促，下扁則畜。以和七聲，則不諧。以候元氣，則不應矣。管子曰：凡聽徵如負猪，豕覺而駭。凡聽羽如蛭鳴在樹。凡聽宮如牛鳴窳中。凡聽商如離羣羊。凡聽角如雉登木以鳴。音疾以清，此其實也。昔吾馮翊人楊收者，年未冠，從其父適吳淞陽，耕得古鍾，高尺餘，收扣之曰：此姑洗角也。既剖拭，果有刻在兩樂，嘗言琴通黃鍾，姑洗無射三均側出，諸調猶薦蘿附灌木然。當是時也，有安說者七十餘矣，稱

善琴收問五絃其貳云何說曰世謂周文武先王所
加收曰能為文王操乎說即以黃鍾為君而奏之以
少商應大絃收曰止如子之言少商武絃也文世安
得此轂乎于是具言旋宮之均二少之故而說以為
未始聞也斯譜也而遇收吾知其躍然三嘆矣雖然
韶武二樂其律呂大小豈有差殊哉而夫子以武為
未盡善吾又知白夫之志不徒以鍾鼓為樂也白夫
名壁唐西武緣人志久在于伊洛

大成樂舞圖譜序

累黍撮
命大抵非
庸易事
允薦近
於雅以
黃六入門
游正而

廣西李太白著燕享樂譜以示予予嘗為之序矣然
論其大未及其細比得臨清張允薦所著大成樂舞
圖譜而縣侯翟汝楊亦請序焉夫風雅頌之樂不聞
於世久矣而白夫之譜具風雅允薦之譜則頌也愚
也何幸得聞二君子之道哉夫二講皆用太常譜聲
而以十二律旋相為宮白夫之學多祖宋轂故其譜
采繁采蘋猶存越調鹿鳴四詩或用凡聲夫凡聲益
高越調近俗去雅古則有疑焉允薦之學盡去凡聲
越調而止用黃六庶幾乎雅矣夫黃六者變宮清轂

變胡不
及子声
也二譜宜
備以爲
一據先生
師之聲
氣之元
理也

也。昔晦翁與詹元善書，固欲用之。然而變徵亦不可
無也。且琴之五絃五聲也。其下二絃，少宮、少徵也。若
去一留七，去七留一，則止用六絃矣。故七聲具而後
樂和焉。夫禮從宜，樂從變，少宮、少徵，因變而生也。蓋
八音無定體，而五聲有定律。以定律之聲格，無定體
之音，則有膠柱鼓瑟者矣。如有知變也，雖一絃之琴
可。十四律而倨句鼓，博之間豈不足以取七聲哉。邇
嘗受琴于兄，薦矣。兄薦奏梅花而三絃之軫弊，屢調
之不應也。乃通改六絃以諧之。於是泠泠乎清冷可

聽也。彼三絃者，其絀絲之毫釐，豈暇即累黍金石尺
而論之哉？則其他笙鼓埙篪之類，從可格矣。審若是
器之廣狹、厚薄、長短、大小，皆可用，而惟人手口之妙
耳目之精，非言所能盡也。故樂從變者，八音以十二
律而變也。雖然，聞朝歌之音，人思殺；聞伯牙之調，馬
思秣；生殺頓殊，而聲樂相通，豈非凡物皆氣？凡氣皆
聲。凡聲皆心。聲應而氣求，氣動而心使者乎？故孔子
曰：人而不仁，如樂何？白夫允薦之學，豈徒以聲氣者
哉？蓋皆久有志于仁矣。允薦之譜，又有武圖，大抵文

以詩被
歌古風
其而益
創以圖
譜先生
大有功
於詩樂
其序者
叙所為
語也不
為詞
命設也

無多指謗武舞多踳屢以是意索之亦皆可通也

詩樂圖譜序

詩樂圖譜者取詩經周南關雎以至商頌玄鳥可歌
之詩八九十篇被之八音以為圖譜者也夫此詩樂
自周室盛時奏於郊廟

朝廷頌聲大著漢唐以來俗樂聿興新聲代作而三
百篇之雅音絕響矣洪惟我

聖天子龍興以來敦崇古道脩明禮樂一時俊髦罔
不思奮搏自蒞任以來仰承

德意偕其僚童司業課藝諸士習行儀禮內有用樂之處選知音監生衛良相等率其友百餘人取前詩篇目每歌詠諧之音律未及期年衛良相於前諸詩皆能畫圖定譜除鐘鼓祝敔之外列為六調一曰鍾磬調二曰琴調三曰瑟調四曰笙調五曰簫笛調六曰塤箎調每一用之颯颯乎有古音之遺柟益嘆曰聖明作人之深而古樂亦不難復也因命傳教六館諸生以養其性情之正育其和平之德仰副我聖皇教養之厚意也或曰漢賈誼請興禮樂文帝答

以未遑武帝用協律郎李延年造天馬芝房之歌汲黯深非之今此之舉何也曰汲黯之論文帝之言固孔孟之旨也昔孔子以仁為禮樂之本而不專於鍾鼓玉帛孟子推好樂之心與民同樂則聞鍾鼓之音者欣欣然有喜色矣惟我

聖皇具關雎麟趾之義篤愛民好士之心邇乃定郊廟之大禮復雅頌之古樂本末具舉質文兼修正所謂建中和之極而行以位天地育萬物者也當其隆盛追復西周豈但如漢文帝而已乎於是諸生皆

歌靈堂之篇而詠棫樸之雅

劉氏族譜序

劉氏族譜者、今太宰紫巖先生輯其家世宗派而為之者也。世傳本元城劉忠定公之後、當金元之亂、有諱務者、避兵徙襄垣、劉渠又自劉渠卜居長樂鄉、蕭家梁、今十有一世矣。長安公二世生子鑄、一人鑄三世生子厚、嚴斌三人。至四世世村行、則十人矣。五世彥實行、則二十人矣。六世景初行、則三十餘人矣。至七世時占行、八世伯福行、九世恭行、十世至寧行、率

劉氏譜
系無所
據序中
獨暢大
義晚然
使人覓
之檢資
譜之來
有自其
傳世有
深思不
區區文
字間也

多五十餘人十一世大興之行方來不可數計皆長
樂公一人開之也故自長樂公至至寧則先生繼別
之太宗所謂百世不遷之宗也自耕樂慶士至北村
公則先生繼禰之小宗所謂五世則遷之宗也乃先
生皆裒而序之考而傳之可不謂能收族乎夫能收
族則能敬宗能敬宗則能尊祖可以親親可以尊尊
可以名可以出入可以長幼可以從服繫之以姓
而不別綴之以食而不殊可不謂能幾于禮乎昔伊
川正叔作程氏家牒自中山少師以來歷為紀載至

于賜第京師。卜居醴泉。御書詔勅移載以歲。雖於影
帳侍者承旨。老姬備錄不遺。今斯譜也。既列圖系。居
址行蹟。而於 詰勅制策序記誌表詩賦。亦皆分類
編次。將無非伊川意邪。或曰。族譜所以重婚冠明祭
祀。敦喪紀。不徒為也。故大夫士祭省于祿。服窮於袒
免。越五世則犯也。譜族而十一世者。何居。曰。古者天
子之子繼天下。其支子出為諸侯。故不得祭七廟。諸
侯之子繼其國。其支子出為大夫。故不得祭五廟。大
夫之子繼其家。其支子出為適士官師。故不得祭三

廟時當封建祿多同姓已有先我而祭之者故不敢耳周道然也。自漢以來庶人有百世之祖列士垂累代之胤可以學士大夫忘其宗而與野人都邑之士論哉族雖百世譜可也。夫伊川官止說書未能大行獨賴與門人弟子講學之故使程氏家牒傳今不磨乃先生弱冠及第累官學士以至于今長樂公之孫子雖繁盛而氣固獨萃于先生一人宜其大發於茲行當自牖放沃對時經濟以行道于天下斯譜也天下後世皆爭誦以傳褒垣劉氏不得而私之也

柳氏家譜序

嚴州柳進士士亨作家譜一帙持以謂予曰本泰先世以魯展禽食邑為氏晉唐間族屬繁衍著名河東代有聞人黃巢之變播遷江左爰及有宋居于睦州建德之下涯柳氏再顯宋末元初有號上戶者行義宗於鄉邑維時方臘煽亂避兵獅峯至正初朝奉君富八者則本泰之七世祖也爰自下涯出贅駱氏因家黃饒至四世祖勝華明經歲貢授知澧州進階四品是生祖泰安州學訓導諱時者也至本泰父常恒

一乘也
而三大
家宗肯
具備則
此乘之
行也豈
一柳氏云
執裴馬
俱無乘
故存之
云云

亦歲貢為國子生夫自朝奉之定君今七世矣自澧
州之力學今四世矣賴先世之澤以有本泰本泰閣
劣無能繼述有所顯揚則涇野子何以語之也曰昔
予在解州嘗編聞喜裴氏傳夏縣司馬氏傳及河東
柳氏傳不知河東柳氏即士亨之前修也夫裴氏自
漢代遵曄以來名卿碩士無慮數百人至今咸永不
沒者惟賴中立耳直言權倖宣諭跋扈既成淮蔡之
功尤摧鐫异之效以身係天下重輕者三十年於是
裴自寅樞以前皆重光矣夫司馬氏自漢遷晉乎以

來賢臣逸民無慮數十輩至今皆久不歿者惟顏君
實耳幼有敏識口無妄語三劄五規為時要策辭樞
拜相為世大範以名係夷夏安危者二十年於是司
馬氏自池炫以前皆重光矣惟柳氏自景猷仕魏之
後支派殊衆縉紳尤多或宦南北兩朝或歷魏宋諸
代或以功著或以行顯或以寵盛或以文名然皆未
有如中立君實之粹者也振百代未洪之緒立一時
肇造之家以如中立之於裴君實之於司馬者不在
吾士亭乎小子夏曰野人知父母之何筭學士大夫

知尊祖而敬宗、夫學士大夫學其道以為大夫者也、然則士亨之學於道也必有所務矣、

謝氏族譜序

王源謝族凡七八百人、自南唐銀青光祿大夫諱仝者以來五六百年矣、銀青公生三子、居王源者、孟芳之五世強也、仲端之後居黨安、開水、今幾二三百人、季仝之後居茅嶺、汾溪及祁城中、今幾八九百人、然初皆祁門縣謝村里人也、世遠氏繁、三支自宗、譜亦異牒、王源之譜今已六脩之矣、猶有遺而未收者、

其議足
以垂監
懲其紿
足以明
世德譜
式與所
謂標焉

強十六世孫有曰祚曰紋曰華者孝弟力田思繩祖
武恒欲聯王源之族以續銀青之緒乃命其姪顯重
加校編積歲成帙分為五卷始於申伯受謝至於子
孫雲仍罔不明著其

制誥勅命以及藝文亦皆備載他日華之子顧嘗從
予遊持斯譜以展予予覽而嘆曰王源之謝可謂盛
乎雖然發族本於祖宗之德收族係於子孫之賢子
孫賢則雖在袒免之外猶若期功之親子孫不賢則
雖在兄弟之近猶有閹牆之害顧不聞德澤君之爲

名字諱
耀閏閏
者大有
徑庭也

愈憲乎躬秉忠清信及虺蛇當路許寃積害頓除浙
人畏如神明此其政恒在也顧不聞章甫君之居適
齋乎敦禮迪義親喪泣血力追古風日與汪還谷講
學桃墅從遊甚衆斯文一時鳴於徽中此其教恒在
也顧又不聞銀青公之初開爾謝乎自少英邁才兼
文武當南唐元宗之間累進讜言數平患難及周師
攻壽州唐以齊王景達爲元帥陳覺爲監軍達遙爲
聲援覺意不決戰銀青公請重元帥以撓監軍之權
計不見聽遂變前名携家祁南其視棄大將軍官爵

如脫獲耳、此其忠烈恒在也、顧歸以告諸父叔、使族中俊乂子弟、聿興懿志、共步前脩、使禮文由是而出、恩愛由是而篤、信義由是而明、孝友施於家、忠貞著於邦、斯譜也不亦又有光乎、不然止以標名字、係支派、為事則世之為斯譜者亦多矣、而又何貴乎、問予言也

劉忠愍公年譜序

余自童子在學校時、聞忠愍公於正統八年上脩省十事忤於王振馬順下、詔獄其死甚慘、未嘗不想

其爲人及仕南都見其孫後府都高祿言貌動止敦
慤雅重則嘗與鄒東郭嘆曰忠臣烈士後昆必茂天
祐善人良不誣已他日後府持公年譜以問序予展
閱之公自舉進士筮仕主事以來或建祠置祭田或
分俸供家廟或置義田義塾以給宗族或主治具以
立鄉會或上疏以胥邑尹何澄及其爲侍講也或請
備京師水患或疏拯畿內水荒或請罷麓川之征蓋
於鄉家惟恐其俗之不厚於朝廷惟恐其政之不
舉也十事之疏豈如一時徇名士之所爲者哉宣美

歷年愈久其事愈著傳世既遠且名滋烈彼一節一行之士真難與公比倫矣後府蓋嘗受教于無錫二泉邵公乃有此編二泉謂公不但爲諍臣又爲諍子諍弟諍友此譜行真可以使人臣欲死忠者知有本也公名字履歷詳於譜此不列

大司馬南澗楊公家世序

南澗先生蒲州楊公位兵部尚書兼都察院右都御史總督陝西三邊軍務保又王家威行塞外乃自念曰今日所至豈守禮一人之力實祖宗積德所致遂

司馬公
積德什
可訓也
楊公家
世其真

撰楊氏家世托楠序之按狀公高祖諱敬先世為山西霍州白道三里人勤儉持家散粟濟貧鄉黨稱焉楊佛兒云勝國末避兵南陽生四子純謙誼整

明初建設保安州詔民充實給業免差三年遂編籍焉然四子者又能周饑賑乏人皆以大公二公三公四公呼之二公性復純雅不與人忤遠邇敬曰大福人也即公之曾祖云生二子曰琳淳厚明農曰璫聰慧警敏治經史通大義為庠生貢入成均後授陝西蒲城縣丞遺愛在蒲致仕歸籍以保安近邊也過蒲

冥之中
有為子
孫計長
者乎此
文亦可
以風不
爾則篇
中漢兩
公可証也

喜焉遂移居之不復仕保安產業留讓琳子乃獨開
家于蒲是即公之祖誥贈右副都御史配吳贈淑人
者也爰生公父通及叔道焉通仕至鞏昌府通判後
以公貴贈官如蒲城先生云人于是稱贈公為鞏昌
先生所配高氏贈淑人次室李氏封太淑人即公生
母也鞏昌先生初治尚書五舉不第援例胄監後授
陝西苑馬寺長樂監監正外艱服闋改陝西按察司
經歷當是時方伯王公衡與李御史鸞訐奏被逮錦
衣獄事明復職陞順天府薊州同知委勘皇莊亦

逮錦衣獄事明復職尋陞通判又忤宦官劉瑾繫錦衣獄一年始釋素履剛正廉介三罹大獄而俱免一貧至老而無求乃又承先世之積發奕葉之光且有
大司馬公如今日方隆而未艾者也鞏昌先生七十
又六歲卒生子七人守仁守義皆增廣生而義應詔
授儒官三即公也正德辛未進士筮仕戶部主事累
官至今位未已守智典膳守信增廣生守廉守潔俱
所鎮撫初佛兒避兵南陽也雖生四子純整不嗣二
公生琳及蒲城先生誼生二子斌崇後生子孫皆籍

保安其在蒲者皆蒲城先生之後而鞏昌先生之七
子者守仁子一廷鸞守義子二廷鳳廷鵬生員公之
三子尹生員戶尼守智子四廷豸廷麟廷熊廷驥守
信女一守廉子四上生員止立直守縈子一平子孫
繁衍員員其來西地相望歲音不絕昭代公卿間所
罕有也昔漢千公積德行善爲縣獄吏決獄公平自
言多行陰陽可高大門閭令容駟馬至孫定國果爲
丞相永侶爲御史大夫楊寶行華陰山北見一黃雀
皮髭鳥所專壑也爲婆義所困寶救之反置巾首尺

飼以黃花百餘日，毛羽成飛去。其後有黃衣童子拜曰：我王母使者，感君仁愛，授以白環四枚，令君子孫潔白位登三公。後寶子震爲宰相，震子秉爲太尉，秉子賜爲司徒，賜子彪爲郡守。四世三公子孫德業相繼，然則公之先世自佛兒散粟賑貧，不啻救一黃雀也。蒲城先生佐縣，無所妄取，輦昌先生歷官通判，一貧如洗，則其所及乎人者多矣。而況于物乎？公位大司馬，乃內省孔篤，約束甚嚴，論盈謙否泰之數，立驕奢損抑之戒，宜其子孫盛多，庭訓日新，比漢于楊光。

當過之唐之崔盧不當言也

筠北三同序

今人相持如二女為同道之羞所求非其人耳又有一等黨同伐異為機械陷害不恥者市道也

漢管寧邴原華歆締友為學言稱一龍亦孔之同後唯寧完原已微有瑕闕歆奸犯名教言同難也故君子之求同也不惟厥人惟心不惟厥心惟道道弗同心同比未可知也心弗同仁同面未可知也同心苟道也我可忘義可通言可公業可共精微可語金可斷天地可參鬼神可贊日月可照九可者道之立也筠北有三同焉三同者三人同心

以有求也曰熊相尚弼曰况照廷光曰朱寔昌
光曰惡乎從乎曰同人于野亨利涉大川利君子
貞三人同曰然三人同瑞之高安人同處筠陰室
廬戚黨又相邇自齟齬同方學皆舉鄉試又同舉
進士亦曰筠北三同云

同年三會序

予戊辰同年三百五十人其始未之能會也辛未初
會于石碑胡氏與會者二百餘人而予在告未之能
從也丙子再會于學坊沈氏與會者八九十人而予

以德業
相許可
以道義
相砥礪
此古之
嘉會也
嘉佳足
並重矣

在告未之能從也。今歲壬午嘉靖改元復于沈氏為
第三會與者止四十二人而予病起獲與執爵之末
矣。然會皆有詩詩必有序初會間有詩而未序再會
景子有序而諸詩未完今茲三會周太僕醕買手卷
四十二欲人各藏一卷焉欲卷各具一人詩焉而以
其序命之柵于以徵百世之講而開屢數之會也斯
其志良亦厚矣嗟乎初會未具卷軸雖為缺典然亦
其時志未皆定行未皆成材猷皆未大著若雖卷且
軸也不過說杯酌之好述交遊之勤而已豈如後之

會也。以諫者成其直。以守者考其廉。以法者崇其智。以財者達其會。以兵者振其武。以禮者存其度。以法者昭其信。以董學者揚其文。彬彬乎光邁先後科而皆可以為會之榮乎。又其變也。有城者死城如郁子采。有官者死官如許子達。卒而不至于死。或謫戍于前。或編民于後。或係獄數年。或卒驛萬里。而勁風直操。猶足凜秋霜。照之。其心亦嘗或悔也。若是者。又豈甲科所能限。而但曰為我會之榮乎。嗟乎。合內外之睽違。喜生死之相見。嘆升沉之浮雲。悲聚散之流水。

梗笑。歲月之易老，斯亦皆可畧而道也。惟夫性以同
野為亨。命以艮背為位，不可易也。夫同而未野者，比
艮而非背者，私苟止其所而同乎大，則體用咸章於
道。其庶幾乎審若是前之政事、文章、氣節，皆其緒焉
耳。而吾戊辰科，雖如朱晦翁者，可種種出以詔千百
世，而予固不能賴之以傳王佐耶。

溪野先生文集卷之三